

Շ Ն Ո Ր Հ Ա Վ Ո Ր Ո Ւ Մ Ե Ն Ք



Սեպտեմբերի 4-ին լրացավ բանասիրական գիտությունների թեկնածու, հայոց լեզվի և նրա դասավանդման մեթոդիկայի ամբիոնի պրոֆեսոր Օֆելյա Ենոքի Բաբայանի 70-րդ տարեդարձը:
«Եթե մարդն իր ծննդյան համար պատասխանատու չէ, ապա իր ապրածի ու ստեղծածի համար պատասխանատու է հաստատապես», - ասում էր Վ. Փափազյանը: Իր անցած ճանապարհը բժախնդիր պատասխանատվությամբ ու նվիրումով կերտող մանկավարժ է Օֆելյա Ենոքի Բաբայանը:

Մասնագիտական բարձր պատրաստականությամբ, խստապահանջ, հայերենի և առանձնապես իմ հայերենի հանդեպ ունեցած ակնածանքը ուսանողին օրինակելիորեն փոխանցող, զնահատելիս՝ արդար, գովելիս՝ ոչ շռայլ. այսպես են նրան ճանաչում ուսանողները: Ու այդպես քանի՞ սերունդ հերթաբար նրա անվանը նույնացրել է իմն հայերենի իր սերն ու ճանաչողությունը: Բոլորված տարիներ, որ խորհրդանշում են գիտնականի ու մանկավարժի անդուլ աշխատանք, վաստակ ու նվիրում, տարիներ, որ պատիվ ու հպարտություն են թե՛ այդ ճանապարհը կերտողի, թե՛ այդ ճանապարհին նրան հետևողի եղած սերնդի համար: Շնորհավոր Ձեր Մեծ տարեդարձը, մեր սիրելի՛ ընկեր Բաբայան, եղե՛ք առողջ, ու թող Ձեր ցանածն այսուհետ էլ առատ հունձք բերի, և մշտապես լինի Ձեր տալիքը, իսկ մեզ համար՝ Ձեզանից առնելիքը: * * *

Օրերս կազմակերպվել է զնահատանքի և մեծարման հոբելյանական ցերեկույթ՝ նվիրված ԱրՊՀ պրոֆեսոր, բ.գ.թ., գիտության վաստակավոր գործիչ Օֆելյա Բաբայանի ծննդյան 70-ամյակին: Օ. Բաբայանի մարդկային վեհ նկարագիրն ու աշխատանքային գործունեությունն իրենց ելույթներում զնահատեցին ուսանողները, գործընկերները, որոնցից շատերին նա ուղղորդել է դեպի մանկավարժություն և գիտություն:

ՌԵԿՏՈՐԸ ՀԱՆԴԻՊՈՒՄ Է ՌԻՆԵՅԵԼ ՌԻՍԱՆՈՂԱԿԱՆ ԽՈՐՀՐԴԻ ՀԵՏ

Սեպտեմբերի 29-ին ԱրՊՀ ռեկտոր Մ. Մինասյանը հանդիպում է ունեցել ուսանողական խորհրդի հետ, լսել ուսանողությանը հուզող խնդիրները, նրանց առաջարկությունները, պատասխանել հարցերին:
Հանդիպման սկզբում ռեկտորը շնորհավորել է Ֆուխնուրը նորընտիր նախագահներին և անդամներին, մարդիկ արդյունավետ և անշահախնդիր գործունեություն: Ուսն նախագահի Դիանա Խաչատրյանը ռեկտորին և ուսանողությանն է ներկայացրել Ուսն գործունեության հիմնական ուղղություններն ու առաջիկա անելիքները: Ուսն նախագահության նիստում ընդունված որոշումների համաձայն ուշադրության կենտրոնում են պահվելու նաև սոցիալական կարգավիճակ ունեցող ուսանողների խնդիրները: Հանդիպման ընթացքում Ֆուխնուրը նախագահները ներկայացրել են առկա խնդիրները, դրանց լուծման վերաբերյալ

հանդես եկել առաջարկություններով, որոնց մի մասին ռեկտորը խոստացել է լուծում տալ: Ռեկտորն ու հանդիպմանը ներկա ՈւՇՀՀՏԱ գծով պրոռեկտոր Վիտյա Յարամիշյանը հավաստիացրել են, որ համալսարանի ղեկավարությունը պատրաստ է պարբերաբար հանդիպելու և քննարկելու ուսանողության ցանկացած խնդիր և առաջարկություն, միայն թե պետք է լինել նախաձեռնող և ակտիվ:



	«ԱՐՑԱՆԻ ՀԱՄԱԼՍԱՐԱՆ» ամսաթերթ	Խմբագիր Զարինե Սառաջյան	Տպաքանակ 400	Իմացիր քո համալսարանի մասին:
	Հիմնադիր «ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆ» ՊՈԱԿ	Մեր հասցեն Մ. Գոշի 5:	Տպագրվում է Արցախի պետական համալսարանի իրատարակչության տպարանում	Այցելիր asu.am կայք:
	Հրատարակվում է 1994 թվականից	Հեռ.՝ (047) 94 04 91		www.asu.am

ԱՐՑԱՆԻ ՀԱՄԱԼՍԱՐԱՆ

ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՄՍԱԹԵՐԹ - ЕЖЕМЕСЯЧНАЯ ГАЗЕТА «АРЦАХИ АМАТСАРАН»



№ 06 (202)
ՆԵՊՏԵՄԲԵՐ, 2017

Ա Ն Կ Ա Խ Ո Ւ Թ Յ Ա Ն Դ Ա Ս



Սեպտեմբերի 1-ին Արցախի պետական համալսարանում անցկացված անկախության ավանդական դասը վարում էին ԱՀ Աժ նախագահ, ԱրՊՀ Խորհրդի նախագահ Աշոտ Ղուլյանը և ԿԳՍ նախարար Սլավիկ Ասրյանը:

ԱրՊՀ զոհված ուսանող - ազատամարտիկների հիշատակը հավերժացնող հուշակոթողին ծաղիկներ խոնարհելուց հետո անկախության դասը բացեց ԱրՊՀ ռեկտոր Մանուշ Մինասյանը: Ռեկտորը շնորհավորեց առաջին կուրսեցիներին, ապա ներկայացրեց համալսարանի հաջողությունները և կոչ արեց ակտիվորեն մասնակցել իրականացվող բոլոր միջոցառումներին: Աժ խոսնակ Աշոտ Ղուլյանը սեպտեմբերյան տոների կապակցությամբ շնորհավորանքի ու բարեմաղթանքի խոսքից հետո ներկայացրեց Արցախի Հանրապետության անկախության հռչակման երևույթը՝ շարժումից մինչև մեր օրեր: Նա կոչ արեց լավագույնս դրսևորվել ուսումնառության տարիներին և ստացած մասնագիտական ու մարդկային որակները ծառայեցնել ազգային շահերին: ԿԳՍ նախարար Սլավիկ Ասրյանն իր ելույթում կարևորեց անկախության ճանապարհի մեր ձեռքբերումները՝ հույս հայտնելով, որ ներկայիս սերունդը ոչ միայն կշարունակի, այլև կբազմապատկի լավագույն ավանդույթները:

Կ Ա Յ Ա Ց Ա Վ Գ Ի Տ Ա Կ Ա Ն Խ Ո Ր Հ Ր Դ Ի Ն Ի Ս Տ

Օրերս ԱրՊՀ-ում կայացավ գիտական խորհրդի նիստ, որին մասնակցում էր նաև ԱՀ ԿԳՍ նորանշանակ նախարար Նարինե Աղաբալյանը:
Նախքան օրակարգային հարցերին անցնելը՝ ԱրՊՀ ռեկտոր Մանուշ Մինասյանը շնորհավորել է Նարինե Աղաբալյանին՝ պատասխանատու և կարևոր պաշտոն ստանձնելու կապակցությամբ և համալսարանականների անունից պատրաստականություն հայտնել՝ աջակցելու կրթության ոլորտի զարգացմանն ուղղված նրա նախաձեռնություններին:

«Հավաստիացնում ենք, որ համալսարանականներն իրենց ուժերի հնարավորության չափով մասնակից են լինելու կրթության և գիտության ոլորտում առկա խնդիրների լուծման գործընթացներին՝ ապահովելով զարգացման դրական դինամիկա», - ասել է ռեկտորը: «Ես իմ հարազատ կրթօջախում եմ և բնավ խորթ չեմ զգում, ընդամենը կարգավիճակի փոփոխություն, որը պարտավորեցնում է համատեղ լուծումներ գտնել ոլորտում, մասնավորապես բուհական համակարգին վերաբերող խնդիրների



համար», - նշել է ԿԳՍ նախարարը: Ն. Աղաբալյանը, որպես բուհական համակարգի առաջնային խնդիր, ներկայացրել է համալսարանի հավատարմագրման խնդիրը. «Մենք որակի ճանաչելիության խնդիր պիտի դնենք մեր առջև, որի ճանապարհին բոլորս մեծ անելիքներ ունենք»: Ռեկտորը ծննդյան 70-ամյակի կապակցությամբ շնորհավորել է նաև ԱրՊՀ պրոֆեսոր, բ.գ.թ., գիտության վաստակավոր գործիչ Օֆելյա Բաբայանին՝ արժևորելով նրա գործունեությունը՝ որպես նվիրյալի: Օրակարգային ութ հարցերից

երկուսը վերաբերում էին մանկավարժական և արտադրական փորձուսուցման նկարագրերի և ուղեցույցի հաստատմանը, որոնք հաստատվեցին միաձայն: Հաջորդ հարցերը վերաբերում էին կանոնակարգային և կառուցվածքային որոշ փոփոխությունների: Ի գիտություն ընդունվեցին համալսարանի հինգ ամբիոնների նախորդ ուսումնական տարվա գործունեության վերաբերյալ հաշվետվությունները, որոնց ընթացքում հնչած խնդիրներին խոստացավ լուծում տալ ԿԳՍ նախարարը:

ԱՐՊՊ-ՈՒՄ ԿԱՅԱՑԱՎ ԱՌԱՋԻՆ ԿՈՒՐՍԵՑԻՆԵՐԻ ԵՐԴՄԱՆ ՀԱՆԴԻՍԱՎՈՐ ԱՐԱՐՈՂՈՒԹՅՈՒՆԸ


Սեպտեմբերի 21-ին Արցախի մայր բուհում կայացել է առաջին կուրսեցիների երդման հանդիսավոր արարողությունը:

Միջոցառմանը ներկա էին ԱՀ ԱԺ նախագահ, ԱրՊՀ խորհրդի նախագահ Աշոտ Դուլյանը, ԿԳՍ նախարարի պաշտոնակատար Սլավիկ Ասրյանը, ԱրՊՀ ռեկտոր Մանուշ Մինասյանը, համալսարանի ղեկավար կազմը, ուսանողներ, հյուրեր:

Նախքան արարողությունն սկսելը՝ ներկաները նախ ծաղիկներ են խոնարհել ԱրՊՀ զոհված ուսանող-ազատամարտիկների հիշատակը հավերժացնող հուշակոթողին: Երդման տեքստն ընթերցելու պատիվն այս տարի վերապահված էր բանասիրական ֆակուլտետի լրագրություն բաժնի առաջին կուրսի ուսանողուհի Շողեր Սարգսյանին, ով իր և իր ընկերների անունից երդվեց «վառ պահել նահատակված ուսանողների հիշատակը, հավատարիմ մնալ նրանց վեհ գաղափարներին, պատվով ու պատասխանատվությամբ շարունակել նրանց կիսատ թողած գործը, սիրել և սրբությամբ պահպանել հայրենի երկրի զարգացման ու բարգավաճման ուղին բռնած մայր բուհը»:

Առաջին կուրսեցիներին ուղղված շնորհավորանքի խոսքում Ա. Դուլյանն ընդգծել է երկրին հավատարիմ լինելու և նրա կերտած արժեքները կրող սերունդ ունենալու կարևորությունը՝ նշելով. «Դուք եք այն սերունդը, ով տերը պիտի լինի ավագների կյանքի գնով նվաճած ազատությանն ու անկախությանը և հենց դուք պիտի բարձր պահեք 1991 թվականին ձեռք բերած և Ապրիլյան պատերազմում վերահաստատված անկախության դրոշմշտապես պատրաստ լինելով դիմակայելու ներքին և արտաքին մարտահրավերներին: Վստահ եմ, որ դուք գիտակցում եք ձեր մեծ առաքելությունը. թշնամուն պետք է հաղթենք նաև գիտելիքներով»:

Ս. Ասրյանը առաջին կուրսեցիներին կոչ արեց արդյունավետ օգտագործել ուսումնառության տարիները և մասնագիտական գիտելիքներ ստանալու ճանապարհին չընկրկել ոչնչի առջև, հաղթահարել բոլոր խոչընդոտներն ու հասնել վերջնանպատակին, դառնալ ժամանակակից պահանջներին համապատասխան գիտելիքներով, կարողություններով և



հմտություններով զինված մասնագետներ:

«Գիտելիքներ ձեռք բերելու ճանապարհին ազնիվ և պահանջկոտ եղեք ինքներդ ձեր հանդեպ՝ գիտակցելով, որ այն, ինչ կստանաք այսօր, պիտի ծառայեցնեք մեր երկրին ու պետականությանը: Երկիր և պետականություն, որ կյանքի գնով է պահպանվել և ժառանգվել ձեզ», - հավելել է նա:

ԱրՊՀ ռեկտորը շնորհավորեց և բարեմաղթանքներ հղեց առաջին կուրսեցիներին՝ հորդորելով ակտիվություն ցուցաբերել ոչ միայն ուսումնական գործընթացում, այլև հասարակական, մարզական և մշակութային բազմաբնույթ միջոցառումներում:

«Լիահույս եմ, որ մայր բուհի և նրա նվիրյալների պատիվը բարձր պահելու երդումը ձեզ ուղեկցելու է ոչ միայն ուսումնառության տարիներին, այլև աշխատանքային գործունեության և ամբողջ կյանքի ընթացքում», - օրվա խորհուրդը կարևորել է ռեկտորը: Երդման հանդիսավոր արարողությունը եզրափակվել է «Կյանք ու կռիվ» պարային խորհրդանշական բեմադրությամբ: Հիշեցնենք, որ ընդունելության արդյունքներով ամենաբարձր միավորներ վաստակած առաջին կուրսեցիներն ուսանողական գրքույկներ են ստացել ԱրՊՀ ռեկտոր Ս. Մինասյանից և միջոցառմանը ներկա պետական այրերից: Նշենք, որ 2017-2018 ուս. տարում բուհի ուսանողական շարքերը համարվել են թվով 371 (առկա) և 105 (հեռակա) առաջին կուրսեցիներով:

ԱՐՊՀ ՈՒՍԱՆՈՂՆԵՐԸ ՄԱՍՆԱԳԻՏԱԿԱՆ ԴԱՍԸՆԹԱՑՆԵՐԻ ԵՆ ՄԱՍՆԱԿՑԵԼ

ՀԱՀ կողմից պետական և մասնավոր սեկտորի համար իրականացվող մասնագիտական դասընթացներից հերթականը անցկացվել էր ԱրՊՀ-ում, որին իրենց մասնակցությունն են բերել նաև տնտեսագիտության ֆակուլտետի երկու տասնյակ ուսանող:

Սեպտեմբերի 15-ից 17-ը կազմակերպված «Բիզնես Մոդել Կապան» դասընթացը, որը վարում էր կառավարչական, ֆինանսական հաշվառման և հարկային խորհրդատվության ոլորտում ավելի քան 13 տարվա փորձառություն ունեցող Սեդա Վարդանյանը, ուսանողների հավաստմամբ, հնարավորություն էր՝ զար-

գացնելու սեփական բիզնես-գաղափարները:

«Դասընթացի ընթացքում ուսումնասիրել ենք ապրանքի օգտակար առաջարկը, սպառողների նպատակային լսարանը, եկամտի ուղիները և ծախսերի տարրերը, ամվմասաբերության շեն և շահույթ հասկացությունները, բիզնեսում հանդիպող պոտենցիալ դժվարությունները, ինչպես նաև բիզնեսի ռազմավարությունը: Հնարավորություն ենք ունեցել դասընթացավարի հետ քննարկելու նաև մեր սեփական բիզնես գաղափարներն ու դրանց զարգացման հեռանկարները», - նշում են դասընթացի մասնակիցներ Փ. Թադևոսյանն ու Ա. Ավանեսյանը:

ԱՐՊՀ-ՈՒՄ ՇԱՐՈՒՆԱԿՎՈՒՄ Ե ՈՉՖՈՐՄԱԼ ԿՐԹՈՒԹՅԱՆ ԾՐԱԳԻՐԸ

ԱրՊՀ-ում գործող ոչ ֆորմալ կրթության ծրագրի այս տարվա մեկնարկը տրվել է սեպտեմբերի 14-ին՝ բիզնես-փորձագետներ Վահե Ռոբեր Այվազյանի և Մայր Լազիկի դասախոսությամբ:

ԱրՊՀ ռեկտոր Մանուշ Մինասյանը հանդիպմանը բացման խոսքում շնորհակալություն է հայտնել Կարեն Օհանջանյանին ծրագրի շարունակականության ապահովման համար՝ համոզմունք հայտնելով, որ ծրագիրը շոշափելի արդյունքներ է տալիս մասնագիտական գիտելիքների խորացման և ընդհանուր զարգացվածության ապահովման առումով:

«Ayvazyan & Partners» ընկերության ղեկավար Վահե Այվազյանը, ով հայաստանյան իրականության մեջ առաջին անգամ անցկացրեց «Էնոցիոնալ վաճառքներ» դասընթացը, լսարանին ներկայացրեց էնոցիոնալ վաճառքի սկզբունքներն ու մի շարք օգտակար խորհուրդներ տվեց լսարանին:

Բանախոսը հավաստիացրեց, որ էնոցիոնալ վաճառքների՝ իր կողմից առաջարկված գործիքակազմի ընտրությունը հիմնված է բազմամյա փորձի վրա: Ազդելով մարդու ոչ թե տրամաբանության, այլ էնոցիաների վրա՝ հնարավոր կլինի իրականացնել ավելի շատ վաճառք: Հետաքրքիր է՝ ինչպե՞ս կարելի է ազդել մարդու էնոցիաների վրա, որպեսզի նա

որոշում կայացնի զնել այս կամ այն ապրանքը:

«Վաճառքի մեջ շարժիչ ուժը էնոցիաներն են: Վաճառքը հարաբերություն է մարդու և մարդու միջև, հարկավոր է ուսումնասիրել մարդու վարքագիծը, նախասիրությունները և ազդել էնոցիաների վրա: Վաճառքում և սպասարկման մեջ հաջողության հասնելու համար հարկավոր է սիրել հաճախորդին, ճանաչել նրան ու հասկանալ նրա ցանկությունները՝ թե՛նազնելով հոգսը», -ասում է Վ. Այվազյանը:

Թվային մարքեթինգի ոլորտում խորհրդատուի՝ ավելի քան 16 տարվա աշխատանքային փորձ ունեցող Մայր Լազիկը դժվարանում է մեր օրերում պատկերացնել ընկերություն, որը չի օգտագործում թվային մարքեթինգի հնարավորություններն ու գործիքները: «Շատ ընկերություններ ամբողջովին կամ մասամբ իրականացնում են իրենց բիզնեսը թվային հարթակում, մյուսներն էլ օգտագործում են առցանց հարթակը որպես զոլվագի և վաճառքի արդյունավետ միջոց: Թվային մարքեթինգը դարձել է մերօրյա ամենաարդյունավետ մարքեթինգային տեսակը», - նշում է նա:

Բիզնես - խորհրդատուները ուսանողներին ուղղված խորհուրդներից բացի, պատասխանեցին նրանց հարցերին՝ համապատասխան օրինակներ բերելով առօրյայից:

ԱՐՊՀ-ՈՒՄ ՀՅՈՒՐԸՆԿԱԼ ՎԵԼ ԷՐ ՄԱՐԲԵԹՈՒՈԳ ՍԱՄՎԵԼ ԱՎԵՏԻՍՅԱՆԸ



Օրերս ԱրՊՀ-ում հյուրընկալվել էր Մոսկվայի «Սիներգիա» համալսարանի մարքեթինգի և բրենդինգի ամբիոնի վարիչ, նույն համալսարանի բիզնես-դպրոցի գործընկեր Սամվել Ավետիսյանը:

Տնտեսագիտության ֆակուլտետը նպատակային քայլեր է ձեռնարկում ՀՀ և արտերկրի բուհերի առաջատար մասնագետներին ուսումնական գործընթացներում ներգրավելու ուղղությամբ: Ամբիոնների կողմից մշակված ռազմավարական ծրագիրը, որը ենթադրում է համագործակցություն ամենատարբեր ուղղություններով, նախատեսում է նաև ոչ ֆորմալ կրթություն: Այս շրջանակներում շուկայագետ Ս. Ավետիսյանի դասախոսությունը տնտեսագիտական այլընտրանքային մտածողության լավագույն օրինակներից էր:

MBA ծրագրով Սկոլկովոյում եւ Ստոկհոլմի տնտեսագիտության դպրոցում տնտեսագիտության և Մեծ Բրիտանիայի դիզայնի բարձրագույն դպրոցներում բրենդինգի հիմունքներ դասավանդող մասնագետի մոտեցումները տարբերվում են շուկայագիտության դասական սկզբունքներից: Վերջինս հարցին մոտենում է փիլիսոփայական տեսանկյունից: Այսպես, նա գտնում է, որ ժամանակակից աշխարհը պահանջում է վաճառել ոչ թե ապրանքը, այլ դրա հետ սպառողին կապող արժեքը, որին կարելի է



ԱՐՊՅ-ՈՒՄ ԿԳՈՐԾԻ ՀՈԳԵԲԱՆԱԿԱՆ ԿԵՆՏՐՈՆ

«Արցախի համալսարան» թերթն այս համարում գրուցել է ԱրՊՅ ՈւՇՀՀՅՏԱ գծով պրոռեկտոր, *հ.գ.թ., դոցենտ Վիտյա Յարամիշյանի հետ, ում անմիջական նախաձեռնությամբ և շահագրգիռ մասնակցությամբ կյանքի է կոչվել հոգեբանական կենտրոն ունենալու գաղափարը:* Պրոռեկտորը պատասխանում է Արցախի պետական համալսարանում ձևավորված նոր ստորաբաժանման՝ Հոգեբանական կենտրոնի անհրաժեշտությանը, նպատակներին, խնդիրներին և գործառնություններին վերաբերող մի շարք հարցերի:



- Պարոն Յարամիշյան, նախ անդրադառնանք Հոգեբանական կենտրոն ունենալու անհրաժեշտությանը: Արդյո՞ք այն պահանջված էր:

- Ես կասեի՝ անհրաժեշտությունները, քանի որ դրանք մի քանիսն են: Նախ, Արցախն ավելի քան 23 տարի ապրում է «ոչ խաղաղություն, ոչ պատերազմ», իսկ երբեմն էլ՝ իրական պատերազմական իրավիճակում, որի արդյունքում զինծառայողների և ազգաբնակչության մոտ առաջ են գալիս հոգեբանական և սոցիալ-հոգեբանական բնույթի բազմաթիվ խնդիրներ, սակայն առ այսօր մշակված չեն բնակչությանը հոգեբանական աջակցություն ցուցաբերելու գործուն մեխանիզմներ, քննության չեն առնված մարտագործողություններից տուժած անձանց պատշաճ հոգեբանական աջակցության ցուցաբերման խնդիրները: Չկան նաև համակարգված մոտեցումներ՝ մեր հանրապետության բնակչության և հակառակորդի վրա հոգեբանական ներագրման մեխանիզմների կիրառման վերաբերյալ: Բնակչությունը թույլ է իրազեկված, թե ինչպես պետք է գործել հակառակորդի լայնածավալ հոգեբանական հարձակումների, տեղեկատվական ներագրման հնարքների կիրառման դեպքում:

Այնուհետև, սովորելով համալսարանում և ստանալով հոգեբանի, մանկավարժի դիպլոմներ, մեր շրջանավարտները իրական կյանքում դժվարությամբ են գտնում ինքնաիրականացման իրենց հնարավորությունը, որովհետև բուհում պրակտիկ հոգեբանի հմտություններն ու կարողությունները թույլ են զարգանում: Պատճառն այն է, որ ցանկացած բուհ առաջին հերթին հետաճուտ է լինում ակադեմիական գիտելիքների սերմանմանը՝ մասնագիտական կոմպետենցիաների ձևավորումը թողնելով իրական կյանքին: ԱրՊՅ-ում հոգեբանական կենտրոն ունենալը հնարավորություն է՝ լուծելու նաև այս խնդիրը: Ահա թե ինչով է պայմանավորված Հոգեբանական կենտրոնի անհրաժեշտությունը:

- Ինչպիսի՞նք նպատակներ և խնդիրներ է իր առջև դրել Հոգեբանական կենտրոնը:

- Ես արդեն մասամբ թվարկեցի խնդիրները, որոնք բխում են նպատակներից: Մենք նպատակ ունենք Արցախում՝ պետհամալսարանի բազայի հիման վրա, ստեղծել բազմապրոֆիլ հոգեբանական կենտրոն-ծառայություն, որը կունենա հոգեբանական և սոցիալ-հոգեբանական հետազոտություններ իրականացնելու, արտակարգ իրավիճակներին բնորոշ փոփոխություններին արագ արձագանքելու՝ տուժածներին, օգնության կարիք ունեցողներին մասնագիտացված հոգեբանական օգնություն ցուցաբերելու և խաղաղ պայմաններում հոգեբանական աջակցության կարիք ունեցողների հետ համապատասխան հոգեբանական աշխատանքներ իրականացնելու կարողություն:

- Ի՞նչ ուղղություններով է կենտրոնը նախատեսում գործունեություն իրականացնել:

- Քննարկման արդյունքում նպատակահարմար է գտնվել առայժմ ակտիվ գործունեություն ծավալել 2 հիմնական ուղղություններով՝ զինվորական հոգեբանություն՝ ներառելով Պաշտպանության բանակը, ուժային մյուս կառույցները, սահմանամերձ բնակավայրերն ու կոնֆլիկտից տուժած անձինք և տարիքային հոգեբանություն՝ ներառելով նախադպրոցական ուսումնական հաստատություններն ու դպրոցները: Սոցիալական, ընտանեկան և անհատական ուղղությունները մույնպես մեր ուշադրության կենտրոնում կլինեն:

- Հոգեբանական կենտրոնի ձևավորման ուղղությամբ առայսօր իրականացվել են մի շարք միջոցառումներ: Կպատմե՞ք այդ մասին:

- Հունիս ամսին շահագրգիռ քննարկումներ ունեցանք ԱրՊՅ հետ համագործակցության ընդլայնման նպատակով Արցախում գտնվող Խ.Աբովյանի անվան ՀՊՄՀ պատվիրակության հետ՝ ռեկտոր Ռ.Միրզախանյանի գլխավորությամբ: Քննարկվող հարցերից մեկն էլ կենտրոնի ձևավորումն էր: Այնուհետև ԱրՊՅ ռեկտոր Ս.Մինասյանի անմիջական ջանքերով խնդիրը ներկայացվեց հանրապետության իշխանություններին, որից հետո ԱրՊՅ գիտխորհրդի կողմից ընդունվեցին համապատասխան որոշումները: Հոգեբանական կենտրոնի ձևավորման աշխատանքներին անմիջականորեն աջակցելու նպատակով ԱրՊՅ-ում մի քանի անգամ եղել են ՀՀ-ում հաջողությամբ գործող «Ապագա» հոգեբանական ծառայության կենտրոնի հիմնադիր, ՀՊՄՀ դասախոս, *հ.գ.թ.*, դոցենտ Արմեն Բեջանյանը և նույն կենտրոնի պրակտիկ հոգեբաններ Նարինե Պողոսյանը, Ելենա Հախվերդյանը: Իրականացվել են մի շարք միջոցառումներ, այդ թվում վերապատրաստումներ, ինտերակտիվ հանդիպում-քննարկումներ օգոստոս ամսում մոտ երեք տասնյակ և սեպտեմբեր ամսում մոտ ութ տասնյակ մասնակիցների՝ երիտասարդ դասախոսների, բակալավրիատի և մագիստրատուրայի ուսանողների, մասնագետ-հոգեբանների հետ և 3-5 տարեկան, ինչպես նաև 6-8 տարեկան երեխայի մտավոր և հոգեբանական զարգացածության աստիճանի որոշման պրակտիկ ցուցադրական պարապմունքներ և այլն:

Լայն համագործակցություն է սկսվել Պաշտպանության բանակի հետ: Բացի սպա-հոգեբանների հետ հոգեբանական հավաքներ անցկացնելուց, հստակեցվել են այն գլխավոր խնդիրները, որոնց ուղղությամբ կենտրոնը նախատեսում է իրականացնել համապատասխան աշխատանքներ:

- Ի՞նչ սկզբունքով են ընտրվելու կենտրոնի աշխատակիցները և արդյո՞ք ընդգրկվելու են նաև ուսանողներ:

- Մեր կողմից մշակվել է մասնագետների ընտրության ռազմավարություն, ըստ որի հայտատուները մասնակցելու են համապատասխան դասընթացների, որտեղ նրանց մոտ պրակտիկ հմտություններ ձևավորելուց, ստուգելուց հետո կտրամադրվեն համապատասխան վկայականներ՝ ՀՊՄՀ, ԱրՊՅ ռեկտորների, «Ապագա» ՀՀ տնօրենի ստորագրություններով և կտրվեն կոնկրետ հանձնարարականներ՝ առաջադրված մեթոդիկաներով ու գործիքներով ինքնուրույն աշխատանքներ կատարելու համար:

Հ Ա Ն Դ Ի Պ ՈՒ Մ Թ ՈՒ Ր Ք Ա Գ Ե Տ Ի Հ Ե Տ

ԱրՊՅ մի խումբ ուսանողների և դասախոսների հետ հանդիպում է ունեցել Արցախ այցելած ամերիկաբնակ հայազգի թուրքագետ Հայկարամ Նահապետյանը:

Հանդիպման ընթացքում ԱՄՆ-ում լրագրողական ակտիվ գործունեություն ծավալող թուրքագետը ներկայացրել է հայկական լրբինգի գործունեությունը, նրա ձեռքբերումները, տարբերությունները ադրբեջանական լրբինգից:

Լրբինգի դասական և մեզ հայտնի ձևերից բացի, Հ. Նահապետյանն անդրադարձել է ԱՄՆ-ի հայ համայնքի և հայկական լրբիստական կազմակերպությունների, ինչպես նաև անհատների գործունեությունը, ապա ներկայացրել փաստեր գրանցված հաջողությունների վերաբերյալ:

«Շատ հաճախ հակաադրբեջանական գործունեությունը ոչ թե խմբավորումների, այլ առանձին անհատների գործունեություն է: Բազմաթիվ դեպքեր են եղել, երբ անհատները կարողացել են շրջել նրանց մի քանի ծրագրերի ընթացքը, տապալել այս կամ այն փաստաթղթի կիրառությունը: Այս դեպքում վստահաբար կարող ենք հակադարձել հայտնի ասացվածքին և պնդել, որ մի ծաղկով ևս կարող է զարուհ լինել», - նշել է նա:

Այսպես, հայկական լրբինգ իրականացնող մի քանի կազմակերպությունների և անհատների հաջողվել է ձախողել ադրբեջանական լրբիստների հակահայկական մի քանի տասնյակ նախաձեռնություններ, ավելին՝ նրանք հաջողել են այդ նախաձեռնությունների ընթացքը շրջել հօգուտ հայկականության:

Խոսելով ամերիկա-ադրբեջանական լրբիստական խմբավորումների մասին՝ թուրքագետը նշել է նաև, որ 2014 թվականից սկսած ադրբեջանական լրբինգը անկման միտումներ է արձանագրել, ինչը բնականաբար կապված է տնտեսական ճգնաժամի, մասնավորապես նավթի գնանկման հետ: Այսինքն՝ լրբինգին հատկացվող դրամական միջոցների կրճատումը հանգեցրել է ադրբե-



ջանական ընդհատակյա գործունեության նվազման: Մյուս կողմից՝ ադրբեջանական և թուրքական իշխանությունները ամերիկյան գործընկերներին կաշառելու համար այլևս բավարար միջոցներ չեն հատկացնում: Գործընկերային մույն հարաբերությունները դադարել կամ նվազագույնի են հասցվել նաև հայկական կողմի՝ ամերիկա - ադրբեջանական հարաբերությունների կանխակալության բացահայտման ջանքերի շնորհիվ:

ԱրՊՅ պրոռեկտոր Վ. Յարամիշյանն իր խոսքում շնորհակալություն է հայտնել Հ.Նահապետյանին՝ Արցախի պետական համալսարանում դասախոսությամբ հանդես գալու համար և կարևորել նրա ծավալած գործունեությունը: Պրոֆեսոր Ս. Խանյանն իր հեղինակած գրքերից նվիրել է Հ. Նահապետյանին: Հանդիպման վերջում թուրքագետը պատասխանել է ներկաների հարցերին:

ԱՐՊՅ ՈՒՍԱՆՈՂՈՒԹՅԱՆԸ ՆԵՐԿԱՅԱՑՎԵՑ Ս. ԽԱՆԶԱՂՅԱՆԻ «ԱՆԴՐԱՆԻԿ» ՎԵՊԻ ՈՌԻՍԵՐԵՆ ՏԱՐԲԵՐԱԿԸ



Սեպտեմբերի 4-ին հայազգի-տական կենտրոնում հյուրընկալվել էր Սերո Խանզադյանի «Անդրանիկ» վեպը ռուսերեն թարգմանած Հոդեր Ամիրխանյանը: Թարգմանչուհին համալսարա-

նականներին է ներկայացրել իր աշխատանքն ու մանրամասներ պատմել թարգմանության ընթացքից: Մասնագիտությամբ ճարտարապետ Շ. Ամիրխանյանը գրքին ծանոթացել է Սպիտակի գրա-

խանութներից մեկում: Հենց գրախանութում թերթելով գրքի էջերը, ինչպես ինքն է խոստովանում, սիրահարվել է: «Առաջին անգամ բացահայտեցի Անդրանիկին և ցանկացա, որ նրան բացահայտեն բոլորը: Այդպես ձեռնամուխ եղա գրքի թարգմանությանը՝ ինձ համար բացելով Անդրանիկ անհատի շերտերն ու խորքերը, հասու եղա գորավար դառնալու նրա անցած ճանապարհին», - նշում է հեղինակը: Գիրքը, թարգմանչի խոսքով, հանրագիտարանային տվյալներ է հաղորդում ոչ միայն Անդրանիկ գորավարի, այլև նրա ապրած ժամանակաշրջանի կարևոր դեպքերի և դեմքերի մասին: Գրքի թարգմանությունը նվիրված էր երեք կարևոր իրադարձությունների՝ Հայոց ցեղասպանության 100-րդ տարելիցին, Անդրանիկ Օզանյանի ծննդյան 150 և գրքի հեղինակի՝ Սերո Խանզադյանի ծննդյան 100-ամյակներին:

